

ЯКСТЕРЬ ГАЛСТУК



Сембе масторонь пролетариятне, пүромода марс!

ЯКСТЕРЬ ГАЛСТУК

(Красный галстук)
ЖУРНАЛСЬ
Лисенди 7-це кизось

3-це №
МАРТ
1939 к.

Пионеронь и школьниконь эрь
ковня лисенди журнал.
НОЛДАЙНЗА: ВЛКСМ-нь
Мордовский обкомсь и
МАССР-нь НКП-сь

Ответ. редакторсь Н. ТИШКИН
Лит. редакторсь А. ЧЕКАШКИН

НОМЕРСА СЪОРМАТФ:

Великай с'езд	1
ВКП(б)-нь ЦК-ть Политбюроц	2
Е. Яхнина и М. Зорин—Кри-Крись	4
Железняк партизанць	20



ВЕЛИКАЙ СЪЕЗД

Шабат, 1939-це кизонь мартковть 10—21 шинзон пингста Москуса, Кремлевский дворецть оцю залсонза ётасть Всесоюзная Коммунистический (большевиконь) партиять XVIII-це великай с'ездец. Нячшитне сембе советский народти ульсть великай праздникокс. С'ездсть итокт славнай кити, конанц ётазе минь странаньке XVII-це партийнай с'ездта меле, и решил, кода должен минь странаньке касомс сяда тов. С'ездсь обсудил, кода работась минь партияньке, и наметил, кода сон кармай работама ингольпяли.

Замечательнай победат сатсь минь родинаньке, конанц вятьсы ленинско-сталинский киге большевистский партиясь.

Минь странасонк строяф социализмась. Минь странасонк аш угнетательхть и угнетеннайхть. Минь эряфоньке павазу, культурнай и радостнай, тяни минь вишкста мольхтяма нинге сяда цебярь эряфти—коммунизмати.

Партиясь кеподезе народть мяленц угнетательхнень каршес тюремат и тонафтозе народть сяскондемс сембе и всякай вракнень.

Большевикнень эряфсна максф народти. Вов мес сембе рабочайхне, колхозникне, интеллигенциясь и шабатне седи вакска кельгсазь большевиконь коммунистический партиять и родной Иосиф Висса-



рионович Сталинт. Вов мес XVIII-це партийнай с'ездть лемс странасонк кеподсь социалистический соревнованиянь од волна. Народсь васьфтезе XVIII-це партийнай с'ездть чудеснай подаркаса. Сядот паровост, турбинат, тракторхт, аф азомшка лама товархт, конат тифт планда вельф, научнай изобретеният, искусствань лама произведенийт, од подвикт Родинать и Партиять славас казьсть с'ездти минь аляньке, сестраньке и братьяньке.

Школатнень и пионерский отрядтнень эсовок анокласть с'ездти лама подаркат. Сембодонга питни подаркась шабатнень эзда большевикнendi—отличнайста и цебярьста тонафнемась. Пяк ламода кассь школаса отличникнень лувкссна, но должен касомс нинге сяда пяк. Ламода кассь цебярь ученикнень лувкссна, но должен касомс нинге сяда ламоняс. Мартть 10-це шистонза иттне нинге весть надияфтсть—аделама тонафнема кизоть второгодникфтома, фталу илядыфтома!

Юнай техникне тисть лама модельхть, художникне рисовандасть картинат, поэттне сёрмадсть стихт.

Нят замечательнай подаркат. Синь корхтайхть сянть колга, што шабатне седи вакска кельгсазь родинаснон, большевиконь партиять и родной Иосиф Виссарионович Сталинт.





И. В. Сталин, А. А. Андреев, К. Е. Ворошилов, А. А. Жданов, Л. М. Каганович,
М. И. Калинин, А. И. Микоян, В. М. Молотов, Н. С. Хрушев.

КАНДИДАТТНЕ: Л. П. Берия, Н. М. Шверник.

Евгения Яхнина
Михаил Зорин



I.

Вешкондемок, Кри-Кри лиссь „Веселый Сверчок“ кафеста. Сон варжакстсь Сэн-Луи больницяты пряс ащи оцю башеннай часттень лангс. Синь няфнесть 9 частт шовдава. Кри-Крить ульсь кафта частонза свободнайхть. Коммунать Правительстванц фкя васень постановлениац ульсь подросткатненди рабочай шить ограничениянц колга. Кри-Крись, кафень подавальщиксь, эсь лангсонза варжазе подросткатнень бесправнай и стака эряфснон, конат пшкотькшнесть оцювонь работа. Тяни, мзярда нюрхкалгафтозь рабочай шить, сонь ульсь возможностьец якамс Парижга, ваномс, кода стройсихть баррикадат и эйстейнза примамс участия тя работать эса. 1871-це кизонь майскяй ня шитнень пингста, мирса сембодонга цебярь ошть населениянц бта занимандай аньцек фкя тевса: сембе пяк эряскодозь строясть баррикадат. Аньцек йотай кафта суткатнень майть 23 и 24-це шинзон пингста,

парижаттне строясть кота сятт баррикадат!

Кри-Крись йотазень Бастилия площадьса строяви баррикадатнень и шарсь Рампонно ульцяты ширес, коса аф лама ломатть сонь батянц Жозеф Бантарть планонц коряс строясть баррикада.

Ичкозе марявсь ляцема вайгяль, а мельганза марявсь омбоцесь, но баррикадаса ащи ломаттне ашесть шарфне синь ширезост кодамовок мяль. Тейст ашель мзярда. Баррикадаць строямац эрявсь илядьс аделамс, а работада иляткшнесь аф кржа.

Кри-Крись марса федераттнень мархта каннесь кефт и путнезень синь рядс, марсесь синь лангозост кяскафт и шочкт.

Кда работаса сон ашезь иляткшне, то морамста сон ульсь васенцесь. Сон таргась мор и сембе мархтонза кармасть морама куплеттнень, конатнень морсезень ся пингста сембе революционной Парижсь.

Мон—марианнан! * Марианнать**

*) Эжен Потьець стихотворенияц.

**) Марианнакс народсь лемнезе Францият .

Мирса содасазь сембе—другсь и врагсь.

Кштиан и моран, аф сизян мон,—
Прясон ширептьф монь колпаксь.

Архт жа, марианна,
И тапаф ули врагсь.
Морак, пингсь аф рана!
Кие уды—стяфтка!

Пингсь молись

Пинге ни ульсь модемс кафев.

Кри-Крись йордазе кшникаймонц
и кармась куртканц шама.

— Шумбрат, Кри-Кри!—марясь
сон весяла кайги вайгяль.

Кри-Крись шарфтсь и няйсь ин-
голенза сери уряднай цёраня. Таза
коренастай Кри-Крить коряс Гастон
Клерсь ульсь сяда сери и оцю, хоть
синь ульсть пцтай ровестникт.

— Тон месь—кефт лазондат?
Тя тев,—эряста корхтазевсь Гас-
тонць.—Монь ули фкя предложе-
ниязе. Давай-ка съорматфттама Ком-
мунань Питомецонь батальонти.
Мон корхтань ни командирть марх-
та. Васенда тоса кемнилие кизоти
модемс ашеть примосе, тоса кем-
голмувати, тани ни примосесазь и
кемгафтува кизостоннетненьге.

— Вов ты здорово!—Мярьгсь Кри-
Крись и сельмонь каязь ванць ял-
ганц лангс. — Чортсь сяволезе!
Монга ба молелень, да...—и Кри-
Крись смущеннайста ангорясь сял-
дазонц эса.

— Пелят хозяйкать эзда?—пей-
дезь кизефнезе Гастонць и, маря-
мок орудиянь ичкоздень вайгяль,
сяда тов корхтась.—Аф лоткайхть
каналъятне! Мзярда, наконец, минь
панцаськ кргапарьсон!

— Чортти хозяйкать!—кяжиясь
Кри-Крись.—Сельгондян сонь лан-
гозонза. Тейне аф мярьги батязе.
Мезьдонга аф нолдасамань, а сонць
корхни:

— Мон монць серьгяте тонь,
Шарло, баррикадав, мзярда пингсь

сай. Нйасак пингсь нинге ашезь
са.—Кри-Крить вайгяленц коряс
марявьсь, што сонь мялец праф.

— Да-да,—таргазе вайгяленц
Гастонць.—Жозеф батясь—тя тевсь
серьезнай.—Кулхцонтт, Шарло, тон
мезевок Жозеф батяцень ширде
ашеть маре. Корхтайхть, што минь



тевоньке пяк аф цебарьхть. Верса-
леце эцекшнихть то фкя то иля
районца. Тоса, ков синь эцесь,
версь шуди ляйкс.

Кри-Крись люпштазень лафту-
вонзон:

— Аф содаса, кода илятне, но
Жозеф батязе корхтай, што мзярс
сон ули шиса, версалеце минь
районзонк аф йотайхть..

— Ну тейне эряви тумс. Эряви
путомс пе нятненди,—и Гастонць
презрительна няфтезень суронц
мархта кямонь стама колоткатнень,
—ласькомс куду, а тоса,—тоса рю
Маньяну батальону. Кри-Кри, ульхть
шумбра!

Кри Крись лиха шашфтозе кас-
кетканц касмонц лангс и тусь ка-
фев. Но ашезь кенерь тиёмс ась-

колкскa, эстакиге сaтoзe сoнъ Гaстoнцъ.

— Тaнгa тoн!—дивaндaсь Крi-Крiсь.—Нo мeзe тoнъ мaрхтoт?

— Сoдaсaк,—мaрьгсь Гaстoнцъ, кeпсeмoк пильгoнзoн,—мoн йoрaн тoнъ кoй-мeзeнъ кoлгa кизeфтeмc...

— Мeзeнъ кoлгa тeвсь?

— Мoн aф сoдaсa, кoдa тoн тaнъ лaнгc вaнaт,—и вaлдa крaскaнa вaлoзe сoнъ шaмaнцъ, пилeнзoн и нльнe сaлдaзoнцкa.

Нeмoк Гaстoнть смущeниaнцъ, Крi-Крiсь нингe сядa пaк кaрмaсь интeрeсoвaндaмa.

— Кoрхтaк, кoрхтaк.

— Нaйсaк, мoн aф сoдaсa, мрдaн лi бaррикaдaстa. Мoнъ мaлeзeль бa...

— Лoткaк вaлхнeнъ нилeндeм-дoст...—Кoрхтaк видeстa.

— Мoн сьoрмaдoнъ стixoтвoрeниa и пaк кувaкa... Мaрити, шaрьхoдeть? Мaрнeк сoн сeмбe сaкa тeйтъ aф мaлaфтoви, нo мoн йoрaнъ бa, штoбa сoн сoдaльхчeнъ хoтa бa вaсeнъ нилe стрoчкaтнeнъ. Мoн мoнцъ aрьсeнъ тeйнзa aзoмc, нo вoв, мзaрдa нaинe сoнъ тaстa, тaфтa aпaк учeнтт, aшeзь сaтa co-вoстeзe...

Крi-Крiсь ирoничeски пeйдe-зeвсь:

— Тoн сoдaсaк, мoн мoнцкe прoмaх aф мaксaн стixoнъ сьoрмa-дoмaсa. Нo мoнъ прaзoнгa aшeзь сaшeндa, штoбa сьoрмaдoмc стixт... стирeнди.

— Тaк, вдь, мoн aнцeк тa слyчaйстa, кдa мoнъ шaвсaмaзь,—взвoлнoвaннaйстa aзoзe Гaстoнцъ,—и Крi-Крiсь эстaкигe кaйндaсь aф нaрoшнa aзф вaлoнзoн кoлгa.—Кoрх-тaк, мoн лятфтaсa мaрнeк,—эpя-кoдoзь сoн нaдиaфтсь дpyгoнцты.—Нaйсaк, лятфтaсa.

Гaстoнцъ aф лaмoсaрьсeсь, кoдa мeзe бди лятфнeсь и тoсa пaк

прoстoйстa, нo oцю мaльсa кoрхтaсь:

Мaри, тoнъ вaлдa шaмaцe

Фaлу ингoлeн мoнъ.

Мaри, мoнъ кeльгoм ялгaзe,

Прoщaй! Бoйс мoлaн мoн!

Мзaрс Гaстoнцъ aзoндoзeнъ нa стрoчкaтнeнъ, Крi-Крiсь лyкш-тиeсь прaнцъ. Тoсa aшeзь кирдe и мaрьгсь:

— A мeс „вaлдa“ шaмa? Мoндeй-нe aрaм „нeжнaй“... Кдa тeйтъ тaфтa сядa цeбaрь, тeйнe сeмбe сaкa, нo мoн бa сьoрмaдoлинe илaкc.

— Ну нингe вeсть, нингe вeсть aзк, штoбa мoн нaдиaлeнъ—эняльдсь Гaстoнцъ.

— Лaднa,—сacькoмoк смущe-ниaть, Крi-Крiсь нингe вeсть aзo-зe и стaрaндaсь кoрхтaмc вьрa-жeниaфтoмa, штoбa aф нaфтeмc лишнaй нeжнoсть. Гaстoнть шaмaц вaлдoмсь:—Вoв тa цeбaрь. Тaни мoн мoгу тyмc oзaдoнъ сeдixть. Дaй-кa тaни aшкoттaмa, прoщaн-дaтaмa! Крi-Крiсь кeмoстa aшкo-дoзe ялгaнцъ. Стaрaндaмoк кaшeмc вoлнeниaнцъ, Гaстoнцъ мaнцъ Крi-Критъ кaдьстa и эpязстa aськoлaзь тyсь шири.

Бoдpaйстa мoлeзь, мoрнянъ мo-рaзь, Крi-Крiсь тyсь кaфeть ширeс. Нo кoдa нaевсь, тeйнзa тaчi тoзa aф сaви пaчкoдeмc... Aнцeк aepдсь вaстстoнзa, aф ичкoзe нaйсъ лoмaнъ, кoнaц aшeсь тyстa плaтa-нaнъ силфcа. Aщeмoк кaшeзь, лo-мaнцъ сьoрмaткшнeсь или рисoвaн-дaсь мeзe-бди эсь блoкнoтoзoнзa.

Крi-Крiсь цeбaрьстa нaзeзe сoнъ шувaнa, кoськe прoфилeнцъ, oрeлoнъ шaлхкoнцъ, aф oцю лyпштaф трвaн-зoн, вaрянe мaрхтa улoнцъ.

Рaвжa штaтcкaй кoстyмoц плoт-нaйстa aшeсь сoнъ мyскyлистaй кe-мe тeлaнц лaнгcа. Цьeрaнaть эстa-кигe aшeзь тy мaлeзoнзa aф co-дaфтъ нюрьхкяня сaлдaзoц, кoнaц

ашесь резкай контрастокс сонь
коське и нервнай шаманц эзда.

— Шаван заклад лангс, што
сон аф стак ваны минь баррика-
даньконь лангс! Рисовакшнесь сонь.
Тязан уль мон, Кри-Кри Бантарсь,
кда тя аф тяфта! Кри-Крись ашезь
кенерь нинге тиёмс действиянь
план, кода сон тийхтедсь аф со-
дафть ваксс.

— Мезе тон тиендят?

II

Блокнот мархта ломанць йофси
ашезь беспокоиндав Кри-Крить
апак учент кизефксонц эзда. Сон
спокойна прдазе зепозонза каран-
дашенц и, цёранять лангс кяжиста
алу ванозь, пейнь пачк мярьгсь:

— Ворьть тьаста!

Кафень посетительхнень эзда
Кри-Крись марьсесь лама рассказ
версальскый шпиоттнень колга.
Коммунать Правительстванц бла-
годушийанц и аф сатомшка бдитель-
ностенц сюнеда синь эцекшнесть
сембе вастова и пачфнесть Тьерти
Парижть араламанц колга кулят.
И тьани сон ашезь сомневандакш-
не, што ломанць ся аф стак ванон-
дозе баррикадять и аф зря сьолгозе
эсь блокнотонц сонь, Кри-Крить,
оржа сельме ванфонц эзда.

— Мезенди тон рисовандакшне-
сак тя баррикадять? — Тя кизефксь,
наверна, повсь цельс.

Ломанць няевсь, што кяжиясь.
Сон срмазень туста сельме кабан-
зон, эрязста варжактсь види, кяржи
шири, мярьгат макссесь оценка по-
ложенияти, и срхкась вастстонза, ко-
нац корхтась сянь колга, што
сонь аш мялец сьада тов иляткш-
немс тяза.

— Тяза! Эй, граждатт! — возму-
щеннойста ивадсь Кри-Крись и
эстакиге жа цёрашабань, авань, фе-
дератонь толпа кружазь синь. —

Эрявихть документонза проверямс
тя ломанть. — Сон кирдезе сонь
пинжак полда, хотя ломанць мес-
бди вастстонзонга ашезь срхка.
Сон ащесь тьани, мярьгат, косонга
ашель, бта козонга ашезь йора
ворьгодемска. Нюрьхкяня валса
Крись-Крись азондозе тоза пуромф
ломаттненди, мес тя ломанць тейнза
арась подозрительнайкс. Толпать
мялец ульсь фкя:

— Кирдемс тя ломанть!

Блокнот мархта ломанць няйсы,
што тевсь арси серьезнайкс, йоразе
сонь шарфтомс шуткакс:

— Граждатт! Тинь ламонень, а
мон ськамон. Мон мезевок ашень
тий, а тинь йорасамасть монь кир-
демс. Мон художникан, а тинь ти-
ендьсамасть монь шпионкс.

Но сонь ни вьезде, кандозе мар-
хтонза волнующей толпась. Инголи
ласьксь кенярьтф Кри-Крись, юк-
стамок сянь, што кафесть кунар-
киге ни панжевсь, и азоравась,
Дидье мадамась аф кирдемшка
учсь эсонза. — Жозеф батязти! Жозеф
батязти! — иватькшнесь Кри-Крись.

Курукста синь пачкодсть ал-
няня, шовда-якстерь зданияти. Тя и
ульсь XX-це округонь мэриясь.

Пуромф толпать шумозонза лиссь
мужественнай шама, равжа сакал
ломань.

— Жозеф батяй! — комотсь те-
енза Кри-Крись, — мон кундань вер-
сальскый шпион.

— Так, — мярьгсь Бантарсь, ва-
нондомок аф содафть пряста уше-
домонок, мянь пильгонзонды модемс.
— Тя тевсь серьезнай, Люсьен!
— шарфтсь Жозефсь фталонза ащи
од офицерти. — Тьаса эряви тевсь
кочкамс лацкас. Ромпонно улыцять
версальскый разведчикне эсь вни-
маниястост аф кадсазь.

— Шумбрат, господин Капораль, —
ивадсь киртьфсь. Сон, наверна, ань-

цек тyani нязе Люсьенть, конац ульсь тяда инголе кяшф Жозефть кели копоренц эшкс.

— Тон содасак тя гражданинть? — кизефтезе Жозефсь Люсьен Капораль.

— Да, тя Анрио господинць, кода мондине содаф, честнай коммерсант.

— Гм... Коммерсант, — мярьгсь Жозефсь, корхтамок Анриоти, — мес жа тон занимандакшнят рисованияса?

— Но живописсь — тя монь страстезе и мон тейнза макссеса сембе свободнай пингозень, — эряскадсь азондомс Анриось.

— Тяфта... А мезе тон рисован-дять? — кизефнезе Жозефсь, — монь мялезе ваномс тонь рисункацень. Коса сон?

— К сожалению..., мон..., мон сонь сязендине, — смущеннайста отвечась Анриось.

— Вов тот-то и оно, што рисункась имась! Эряскадозь ивадсь Кри-Крись. Сон нязе эсь прянц киртьф ломанть коряс сяда оцюста.

— Люсьен, — мярьгсь эста Жозефсь, — поручандаса тейть лацкас расследовать тя тевть, тейть аф эряви лятфнемс ся беспощадность колга, конанц мархта минь должеттама аропнемс Парижть шпиот-тнень эзда. Но мяляфтка сяка пингть, што коммунась гарантировандакшнесы неприкосновенность частнай граждаттнени, — нят валхнень мархта сон тусь.

Анриось Бантарть тумда меле няевсь, што арась сяда смелста.

— Господин Капораль, — ушедсь сон увереннайста, — тейне пяк ужаль, што сязендине рисункать. Кда ня-лить сонь, шарьхкоделить, мезенди сон рисовандаф, што мон аф виноватан.

Кри-Крись ашезь кирде:

— Господин Капораль, — эрязста

кодама-бди вешки вайгяльса корхтазевсь сон, — тя нинге эряви про-верямс, художник ли сон. Катк сон рисовандасы монь портретозень, — ехиднайста аделазе корхтаманц сон.

— Шабать видец, — кие-бди тол-пать йоткста кирдезе сонь ширенц. Катк художниксь рисовандасы сонь... Эста минь нейсаськ, мезе сон при-вык кирдемс кядьсонза: карандаш али ружья?

— Мезе ина! Мон анокан пяхко-демс тинь мялентень. Дайте тейне кагод, — согласиндась Анриось.

Кри-Крись ловкайста сязезе пла-катть, шарфтозе сонь омба ширенц и максозе Анриоти. Сон сонць куцсь боцькять лангс и примась не-брежной поза, сон ульсь доволь-най сян мархта, што тихтедсь сем-бонь сельме инголест.

Анриось пяк курокста, аф лама минутань пингста, тись Кри-Крить карандашной портретонц.

— Готова! — торжествующай видса венептезе сон Люсьенти рисункать. Люсьенць, аф эряскадозь, оцю мяль-са ванондозе портретть

Гм... аш кода мярьгомс, штоба наброскась улельба пяк похожай. Но ваномок обстановкать лангс, можна азомс, што сон тийф худож-никонь кядьса.

— Монь мяльсон, — ашезь кирде Кри-Крись, марямок, што Люсьенть мялензон коряс, сонь кундаф калоц воряготькшни, — рисункать аш кода лувомс удовлетворительнайкс. — И прибавазе важность мархта: — Монь мяльсон, што оригинальсь портрет-та цебярь. Дряй монь тяфтама шалх-козе? Наверна, художниксь, мзярда рисовандась тя кривой профильть, арьсесь Тьер господинть колга, а аф монь колган.

— Господин Капораль! — Кяжияфтсь Анриось: — Кда ба афоль уль содаф

тейть монь мезьсонга апак пачкон-
дак лемозе, то и эстонга тейть афоль
эряв ба мярьгомс тя нахальной
цёрашабаняти скорбидакшнемс
монь. Мон молян жалендама.

— Ну, ялгат,—азозе эсь пригово-
ронц Люсьенць,—тейне арам сембе
шарьхкотьф, катк Анрио господинць
туй ков мялец. Минь можем аныцек
максомс совет тейнза, што сяд
тов кочксемс моделенди иля об-
ектт.

Анриось эряскадсь использован-
дамс тейнза благоприятной реше-
ния. Сон спасибась тянгса Люсьен-
ти и тусь, фталу апак варжакснec.

Лажназь ванць Кри-Крись туй
Анриоть мельге. Сонь ашезь сата
вийц мезевок тиeмс, но беспокой-
ствась ашезе кадонда сонь: кода-
ма-бди чувства азондозе тейнза,
што тиевсь эльбятькс, што тя Анри-
ось—опаснай ломань.

—Странна,—арьсесь,—щаф штат-
ский одежаса, а коста якай, то,
мярьгат, маряви, кода цингордыхть
сонь шпоранза, эхянь версальский
офицеронь.

III

Живописнай скамейкась, конац
ваяфоль колма каштан сильф пот-
мос, Кри-Крити ульсь инь кельгома
вастокс. Тяза сон фалу лотксесь,
мзярда сонь Дедье мадамсь кучсезе
Монсури бульварти панчфонкса.

Кри-Крись мольсь бодрайста,
военнай аськолксса. Куттнень эзга
вальмятнень ламошкaсна ульсть
нинге вельхтяфт занавескаса или
пантфт ставняса, но рабочей револю-
ционной Парижсь эрясь ни полной
эряфса. Пульсоц ошть, конанц ка-
дозь версалецне, шавсь сидеста, но
аф сяшкава вишкста; версь сонь
жиланзон эса вачкиесь сидеста но
ровнайста.

Шаштомок заветнай колма каш-

таттненди, Кри-Крись ашезь кир-
де и куць инь сире каштанть
пряс и ванць, кода ашихть пари-
жский баррикадатне. Аныцек шта
кенерсь Кри-Крись кяшемс туста
тараткятнень потмос, кодак эстагиге
марясь алашань дупф. Сон вар-
жакстсь и няйсь скамейкать вакс
саф ластя ломань. Варжакстмок
кафта ширьге, ластясь валкс ала-
шанц лангста, и Кри-Крись сода-
зе, што тя исяконь подозрительнай
художниксь Анриось. Ся волнени-
ять эзда Кри-Крить нинге ашесть
са прязонза йожетка, кодак эстаки-
ге тиевсь события, конац заставазе
цёранять ваймонь апак тарксек
кулхцондомс и сетьмомс фкя вастс.
Салаваня, савор аськолязь, тяфта
жа кафта шири ванондозь, шаштсь
Анриоти Люсьен Капоральсь.
Шумбракстмок, синь озасть ска-
мейканять лангс. Инголи корхта-
зевсь Люсьенць:

— Жозеф Бантарсь тя баррика-
дать аралама аноклай сембе од и од
ломатть. Тяни примайхть и аф со-
дафтка. Тинь ломаненте, содамок
парольть, могут эцемс баррикадав и
фталга фатямс живойста сембонь
сятнень, конатнень мон тейст няф-
тян.

— Планце тонь цебярь. Мон при-
баван аныцек фкя: мзярда миннетне
сувайхть фталда, тон макст тейнек,
фронтста эцихненди акша флага
сигнал.

— Ну, акша флакт коммунарх-
нень баррикадаса аф эряйхть. Кода
тон содасак, ня ломаттне пря аф
максыхть. Но мон няфтян тейнт
акша марли пакшкя.

— Цебярь! Мяляфк Версальть
приказонц: живойста, или кулоста
Бантарсь эряви сявомс. А то сонь
перьфканза тага пуромихть инсур-
гентт. И тяфта, значит, парольсь:
„Коммуна или смерть!“

Анриотъ мекольцень валонзон
корхтамста кулевсь синевитарадонъ
цяторф. Кри-Крисъ куць пѣк ни
вари и тейнза пачкотъкшнестъ
кафта корхтайхненъ аньцек тревож-
най чшнамасна, шарьходемс жа
синь валсна ульстъ пѣк труднат.
Но пароль валхне, конатненъ чет-
кайста азозень Анриось, лийстъ

тейнза, а тьянисон, наверна, йорай
содамс сембе сонъ шпионскыя те-
вонзон. Кри-Крисъ решил салаваня
валгомс инь алце тараткяти, штоба
кулемс мезень колга корхтайхтъ нѣт
кафта ломаттне. Но сон ашезъ кир-
дев тунданъ од тараткяти, и ма-
рявсь сонъ лакшторфоц, конац
кайгсь, и тошкси ломаттненди тѣ



Кри-Критъ пилезонза. Сон ашезе
сода Жозефть баррикаданц паро-
ленц, но марязе эстакиге, што ащи
свидетелькс кодама-бди важнай со-
бытиянди. Аф ваномок тянь лангс,
сонъ прѣ ширесонзонга ашель, што
Люсьен Капоральсь, Жозефть Рам-
понно ульцятъ араламаса помощ-
никоц, кирдсь сембонъ тянь эса
предательскыя роль. Сон думан-
дась иля: Люсьенцъ нолдазе исяк
Анриотъ, штоба аньцек прѣ аф со-
дафтомс, штоба сон сѣда верондаль

кулевсь кода орудияста лѣцема
вайгяль.

Кафцке комотсть скомнѣть ланг-
ста. Ваномок каштантъ нюръгита-
ратканц лангс, Люсьенцъ валомне
корхтазевсь:

— Тоса кие-бди кѣшенди!

Синь йотастъ шуфтть перьф и
няезъ Кри-Критъ.

— Мон корхненъ тейтъ, што кафе-
ста тѣ подручнайтъ эзда эрѣви пе-
лемс!—марьгсь тошказь Люсьенцъ.
—Кри-Кри!—пшкядсь цѣранѣти,—

тон месьть тьса тиендят, майста йорат кочкамс кенерьф каштатт?

Кри-Крись кярмодсь кафцке кядензон мархта эчке тарадти, качандась, качандась, кода трапедия лангса и ловкайста комотсь модать лангс.

— Мон йофси ашень вешенде тоста каштатт,—васькафнезь отведчась Кри-Крись.—Мон интересовандань кой-кона нармощтень мархта, конат пяк парста тьса шовдава морсихть.

— Ну, кода, муть тон тоста нармощт?—нингэ кизефнесь Капоральсь.

— Аш, тячитинь „художник“ господинть мархта шоряде нармонень концертти,—кяжденза ни корхтась Кри-Крись.

Йорамок няфтемс эсь независимостенц и безразличиянц тя апак учсек васедемат и сяка пингть аф йорамок тумс, Кри-Крись, вешкондезь, тусь иля шуфта ваксс и кармась грабама сонь прызонза.

— Ашезе кулхцонда ли тя пине лефксьсь минь корхтаманьконь?—тошказь кизефнесь Анриось.

— Тя пяк возможна. Пожалай, цёранясь ваны минь мельганк, кда сон аф эряскады кафеи.

— Тяфтама случайста карматама действондама решительнайста: тя вьргаз лефкскяты урядамс!

— Но эряви тиёмс стане, штоба кивок афольхце сода, ков сон тусь. Кда мусазь сонь кулонц,—шавомать сотсазь тонь мархтот, а, пади, и монь мархтонга.—Минуташка арьсемок, Капоральсь прибавазе:—Монь ули планоze. Эряви ётафтомс сонь жажданц лихтемс лангти заговорть. Мон тразьса сонь любопытстванц и самолюбиянц и максантейть возможность сявомс эсь мархтот.

—Кри-Кри!—серьгадезе сон цё-

ранянь.—Саты тейть панцемс нармощтень мельге. Валкк, тейть ули тев сяда серьёзнай!

Кри-Крись ашезь сав ламос учсемс. Сельгонь прамс сон ульсь ни модать лангса.

—Анрио господинць, — кармась корхтама Капоральсь,—йорасы валхтомс эсь лангстонза сембе подозрениять. Сонь улихть документонза, конат пяк полезнайхть Коммунасти и сяка пингти няфнихть сонь честнай мялензон. Архт Анрио господинть мархта, сон тьса ластя, тон ластят марса сонь мархтонза фкя алаша лангс, и ускить ня документтень. Капоральть корхтама ёткованза Анриось шаштсь шуфтть ваксс, штоба юксомс алашлать. Капораль няфтсь пря, што бта пели кулемда: сон шаштсь цёранянь эхянь ваксозонза и тошказевсь:

— Ватт мельганза сяда оржаняста. Тя типсь тяни тейнге няеви подозрительнайкс. Мон ба монць молелень мархтонза, но аш танга фкя алаша. Да тонь эздот сон сяшкава пелемонга аф кармай, кода монь эздон. Мон лувонте тонь оцю ломанькс... Конешна, кда аф пелят тон, Кри-Кри!

— Мон мезденге аф пелян и молян хоть чорттиге, штоба аныцек лихтемс тя молодчикть чистой ведти.

Кри-Крись ульсь кенярьтьф, взволнованнай Капоральть тя предложениянц мархта. Тейнза, нйисак, прызонзонга ашезь сашенда, што тейнза путнесь опаснай ловушка.

Аныцек эста, мзярда марявсь Анриоть ненавистнай, коське вайгалец:—ну сак, цёраняй, монозафтте тонь,—аф ламняс Кри-Крить фатязе кодама-бди сомнения. Сон ащесь сяка вастсонза бта афи марязе Анриоть серьгедеманц. Но Ан-

риоти, конац приметазе Кри-Критъ колебаниянц, савсь аныцек прибавамс!—конешна, кда тон аф сяшкава одат, и тейть доверяют тиннетне, кодак Кри-Крисъ видимсь и отькорьста отьвечась:

— Тутама!—и эстакиге ласькозь, ловкайста, кода цирковой наездник, сон комотсь алашать лангс. Анриось варжакстсь Капоральть лангс, аф эряскадозь повфтазе стреляти пильгонц, озась седлатъ лангс, и нолдазе алашанц шанчк.

IV

Виннай подвалсь, конанц версальскый палачне тиезь тюрьманди, ульсь пшкотьф пленнай коммунарда и стама ломаньда, конат подозревались коммунархненди сочувствияса. Кит аныцек тяса ашельхть: и атят, и ават, и шабат, шумбрат и сярядихть. Валдсь, конац лаясь соседнай стенаста, валондозень подвалть вальме сельмонанзон. Парижсь ульсь толса.

Гастон Клерсь, Кри-Критъ ялгац, ащесь вальмять ваксса. Сонь лангсонза ульсь федератонь мундир, а пряц ульсь ашкотф бинтса.

— Неужели сембе имась?—пшкядсь сон сире коммунаронди.

— Ащек спокойнайста, цёрай, нинге аф сембе имась!—отвечась коммунарсь.—Отчаяниясь и страхсь заставакшнесазь минь врагоньконь плхнемс и калафнемс. Тянь синь маштыхть тиEMONза минь лезксфтомонконга. Строяма жа маштама аныцек минь. Вов мес сай пингсь ащи тейнек. Сяськтыма минь!

Нят валхне, конат азфтольхть спокойнаста, но кемоста, озафтозь цёранять седиенц.

Кенкшть фтала марявсь шум, а сяда меле панжемань цингорфсь заставазень сембонь мезе-бди учемс.

— Пине!—кяжиста ивадсь кенкшть

фтала версальскый солдат.—Монтейть максан сускома.

Кенкшсь панжевьсь, и жандармась толхмадезе и йордазе Кри-Критъ кияксти.

— Спасибок шкайти.—зрякадсь жандармась, тумок и сьолгомек мельганза кенкшть,—што Анрио капитанць эсь кядензон мархта катфтонзе шавомс, ату тон тнярс улелеть ни тона светса.

— Шарло!—ашкодсь Гастонць ялганц перьф.—Кода тон повотъ тязя? Разве минь районцонк тейфне ни сяшкава кальдяфт, што версалецне шарыхть ни кудга?

— Ах, Гастон, вов коса тейнек савсь васедемс! Тейне визькс азондомска, кода мон повонь просакс. Шеерсь васькафтомань туфксти, конанц монць ладсине тейнза.

— Кальдяв тевсь, тя западняста шура кие тушенды живойста.

— Мон аф пелян куломать эзда,—мярьгсь Кри-Крисъ—но кода азомс латта Жозеф батязти изменать колга?

— Ванцаськ,—отвечась Гастонць,—пади удалай тьяста ворьгодемс. Кда аф кафцьконди, то хоть тейть. Монь фатямазь оружия мархта баррикадаса. Тяфтапнень синь аф нолдасазь.

— Ну, и монга аф пяк таньфозостан,—гордость мархта азозе Кри-Крисъ.—Тя няеви сянь эзда, кода синь монь примамазь.

Кенкшть фтала тага марявсь дупф. Гастонць эряскадозь корхтазевсь:

— Кулхцонт, Шарло, тон ашить юкста, мезень колга мон тейть эняльденъ?..

— Конешна, мон сембонь меляфтса. Тон Марити стихнень колга?

Гастонць люкштядезе прянц.

— Тяни нинге вов мезе,—мярьгсь Гастонць и каязе лангстонза мун-

диронц. Сявк эстейть батальононь мундирть. Тон вантфтсак сонь, кда илядат живойста.

Кри-Крись сявозе мундирть и, ашкodomок Гастонть, мярьгсь:

— Кулхцонт, Гастон, а кда аф тейне, а тейть сави няемс Марить...

— Эста мон тейнза лувсайне стихнень и азса, што тон тейнза съормадыть синь, — отвечась Гастонць.

— Цебярь!—пшкядсь Кри-Крись.— Аньцек полафтк эста „валда“ валть „нежной“ валса.

— Ладна—непременна!—кенерсь аньцек отвечаемс Гастонць, кенкшсь панжевсь, — и эвондась Анриось. Тяни сон ульсь версальскый армиянь капитанскый формаса. Сонь эвондаманц пленнайхне васьфтезь кяжи-ста ивадезь: „Тага сась тя мучительсь!“ „Мезе нинге эрявкстсь тя тиранти?“, „Аф монь инксон ли?“ Тя ивадемадне сярядежь сувасть Кри-Крить седис. Ваймонц апак тарксек, сон пштидсь стенанять вакс.

— Кие тяса „Коммунань Питомеонь“ школьной батальонцта?—марявсь кяжи вайгялец Анриоть, конац кирдсь кядьсонза кодамабди спискат. Гастонць тись кафта аськолкст инголи и аф пелезь мярьгсь:

— Мон—Гастон Клерсь.

Анриось ванць цёранять видеста сельмозонза, и ненавистнай валса корхтазевсь:

— Виденцяк, цёрай, тон ляцендеть лангозонк?

— Ляцендены! — отвечась Гастонць апак думандакшнек.

— Мзяроксть?

Гастонць видимсь военной лoманькс, прянц кеподезе вяри и отькорьста отвечасть:

— Мон лувонь нилегемонти, а сяда меле лоткань лувомдонга!

Версальскый палачть спокойствияц эстакиге имась и рназевсь:

— Ах, тяфта! Ну, тяни тонь лангозт аф эрявксты фкя зарядта лама. Сявость сонь, мярьгсь жандарматненди и сембода инголи лиссь подвалста. Жандарматне фатязь Гастонть. Аськолдамок порогть вельф, „Коммунань Питомецне“ батальонть эзда славнай коммунарсь шарфтсь и ивадсь.

— Кри-Кри, так юкста монь зняльдемазень. Шумбра улеза коммунась!

Кри-Крись ласьксь сьолгф кенкшть вакс и ивадсь.

— Прощай, Гастон! Мон азса Марити стихнень колга, и кодама тон смелат!

— Парижсь аф кулы, мзярс сонь эсонза шачендыхть тяфтама итть,—марявсь кинь-бди восхищенной вайгялец.

Сельме ведь мархта Кри-Крись ласьксь вальмяти. Парижса толсь сембе сяда вишкомкшнесь, качамда и толда башка мезевок ашезь няев. Но цёранясь ивадсь ялганцты, бта сон нинге кулевсь:

— Прощай, Гастон!

Ичкозе марявсь ружьяса ляцема вайгяль. Сонь значенияц аф эстакиге пачкодсь Кри-Крить сознания.

Эряфкшу авась, конац фалу оцю страдания мархта ванондсь цёранять мельге, салаваня тошказевсь:

— Беднай цёранясь, тейнза, на-верна, ашель нинге кеветие кизовок.

Кри-Крись вдруг эводсь и ласьксь авати.

— Мезе тон мярьготь—ашель?

Авась ашкoдoзе Кри-Крить лафтуда и кизефтезе:

— Драй тон ашить куль?

Кри-Крись норгсь пря авать эзда и, кяшф пряса, эцесь уголти. Тейнза ульсь лучи аф няемс киньге. Тейнза эрявсь кочкамс мяльхть.

Сидиец сонь сидеста тотнась. Тейнза арам, што сембе имась. Перьфканза ащи сембе мирсь тейнза лоткась эрямда.

Кри-Крить нят мялензон сяезезень замокса панжемать шарфнема звукоц. Кри-Крись учсь. Ужаснай правдась ульсь сянь эса, што Гастонць ашель ни живой, но правдась ульсь и сянь эса, што меze аф няемс идемс Жозеф батянц баррикаданц предательствовать эзда.

— Аф монь инксон ли?

— Аф, наверна, очередсь монь!

— Монне!—Марявсть разнай уже нятнень эзда пленнайхнень вайгальсна, и аныцек снярда, мзярда лац марявсь:

— Конац тья Шарло Бантарсь?— Кри-Крись шарьходезе, што сась сонь очередец.

Сон стясь, чистендазе, кода фалу костюмонц, конанцты педеньфт шужарьнят, вадердазень шяярэнзон. Прястонза тяфтажа пярсть шужарьнят: фкя, кафта, колма... Шарфтомок сувайть шири прянц, Кри-Крись учсь ненавистнай жандармать, конац аныцек-што сявозе Гастонть. Но тя ульсь аф сон. Кри-Крить инголе ащи сире капралсь кизефтезе Кри-Крить:

— Тон Шарло Бантарсь?. Аде!

— Господи, марявсь сире авать глухойста авардема вайгалец, — неужели и тянге... Вдь сон нинге ёфси шабана.


— Аде!—настойчивайста нинге весть азозе капралсь.

Кри-Крись видимсь, варжакстсь ялганзонды и, вииста Гастонть вайгальса и манераса ивадсь:

— Шумбра улеза Коммунась!

V

Илядень ляпе шовданьясь ашкодозе Кри-Крить. Подвалть винань и бардань шинедонза меле цебярь



ульсь тарксемс ваймоц майскяй ару кожфса. Кри-Крись лоткась подвал порогть лангс. Тейнза арам, сонь целай вечность явошнесы ся пингть эзда, мзярда сон последний раз няезень Жозеф батянц, Марить, Люсьенть... Лятфтамок Люсьенть, Кри-Крись трнатозевсь.

— Трнатат, цёрай, — кизефтезе капральсь. — Ну, аноклак.

— Мон могу куломс Коммунаць инкса апак трнатт, — корхтазевсь Кри-Крись, а мыслянза фалу работасть: — кода азомс Жозеф батязти? Эряви варжамс ворьгодемс!

— Аде! — тага мярьгсь капралсь.

— Кри-Крись валнянь апак аст тусь мельганза.

Сон старандась няемс инголькиге сельме инголенза ся картинать, кода сонь ляцсась. „Ули ли кивок иля ся пингоня, капралда башка? Сонь добрай шамац. Аныцек Анриось афоль думанда ба самс ванома, кода мон страданан! Кода ти-емс станя, штоба, афи куфцемс, штоба аф няфтемс палачнень инголе эсь сярятьфозень... Кда монь

вельксон ули менельсь, карман видеста ваном лангозонза и карман арьсема Марить колга—эста тейне аф ули страшна—арьсесь цёранясь. Ся пингста капралсь тостяфтозе сонь лафтути:

— Ну, минь пачкодеме.

Так, вов, значит, кодама вастста тейнза судендаф аердомс эряфонц эзда. Брр, кодама тьса противна! Да сяка лангс нинге тя ужаснай тошна шинесь, конац лиси коста бди алуда, кула ломанень эзда ли лиси? Кри-Крись марязе, кода шерьхкозевсть прясонза шьяренза, но сон курукста сявозе эсь прянц кядезонза сяшкава, што решил варжакстомс и ваномс перьф пьльге. Пади нинге ули кода ворьгодемс,—арьсесь сон. Капралсь вьтезе цёранять пирьфть шава, рдазу, шини уженязонза, конац перяф оцю стенаса.—Вов, наверна, ся вастсь, ков имась Гастонць. Сонь арьсеманзон лоткафтозень капралсь, конац ускозе Кри-Крить ожада.

— Кулхонт, цёрай. Тейнь коданга аф юкстави, кода кулось тонь ялгаце Гастонць. Сон вьтезе эсь прянц, кода оцю аля. Монь мялезель хоть мезьсовок мазептемс цёранять илядыкс минутанзон. Мон кизефтине сонь:—пади ули тонь последний желанияце, азк тонень последний воляцень—мон сонь пьшкотьса. Мон арьсень цёранять, наверна, ули аляц, тядяц, сазороц, брадоц, пади и кельгома стирь ялгац. Мон азса тейст сонь последний приветонц. Но сон мярьгсь:

— Монь ули фкя желаниязе: идемс монь ялгазень Шарло Бантарть эряфонц, конац случайна повсь тейнть пленц. Хоть сон ёмланя, но сонь сьлдазсонза целай семья: сяряди тядяц, инвалид аляц, аф оцю сазорняц... макст тейнза эряф и свобода...

— Так вов кода тевсь ащи!— Кри-Крись дивандазь кулхондсь сянь колга, што сонь ульсь целай семьяц: сон ульсь круглай сиротакс, афольхце меляфта аф алянц, аф тядянц. Так вов, кода арьсезе тиемс Гастонць, штоба идемс сонь. Кри-Крить тусть шудема сельме веденза.

— Но мон солдатан,—корхтась капралсь,—и мон привык пьшкотькшнемс начальствовать приказаниянзон. Нолдамс тонь тейне аш кода, пачфтемс мезевок тядяцти мон могу. Азк аньцек, кода вешемс сонь... Мон монць алян, монь велеса тяфтама жа цёразе, кодама и тон...

— Монь тядызе аф кармай корхтама версальский палачень мархта. Тон лучи макск тя мундирть эсь цёрацти, катк сон щасы сонь мзярда моли батальону народть инкса тюрема. Цёрацень тонь Тьер господинць аф дураськафтсы, кода тонь!—и Кри-Крись каязе лангстонза школьниконь батальононь мундирть, конанц тейнза кадондозе Гастонць, и венептезе сонь капралти. Капралсь кой-мзяра секунда ащесь апак шерьхк. Сон апак корхтак ванць цёранять лангс. Сельме веденза тусть шама срмонзон эзга. Сон венептезе кяденц и сявозе Гастонть мундиронц,

— Тон монь сембе седизень колайть, цёра. Кода мон карман ваном цёразень сельмонзон лангс... Аф, тя монь вийдон оцю. Монь аф саты вийзе шавомс тонь. Вов мезе. Мон сьавса тонь кядьстот мундирть, няфтьса сонь капитанти и азса, што каяфгыне тонь кулоцень лангста. Ну-ка шаштта кафта аськолкст ширри, вов тяфта.

Капралсь кеподезе Кри-Крить ёфси пильгалдонза вельхксть, конанц мархта ульсь вельхтяф крхка, шовда эши.—Вов коста молись против

най шинесь, — кенерсь лятфтамс Кри-Крись.

Капралсь комась эшити вельксс, варжакстсь эзонза и мярьгсь:

— Сувак тяза!

— Неужели монь калмасамазь живойста? — тошказевсь Кри-Крись. Тя ульсь инь страшной мыслясь, и сон, анокламок апак пельхть Коммунать инкса максомс эряфонц, вдруг марязе, кода мяневсть каленаста плманжанза.

А Капралсь ласковайняста корхтась, и сонь валонза Кри-Крити пачкотькшнесть кодама-бди пеленань пачк.

— Эх, тон! Эшити эзда эводит. Кулхцонт, цёра. Мон йоран тейть лездомс лисемс свободас, нолдамс тонь эсь ломаттненди. Шарьхкодеть?

— Аш, ашине шарьхкодъ, — виденцясь Кри-Крись. Капралть валонза тейнза няевсть сяшкава аф видекс, што сон коданга не мог синь примамс серьезнайкс.

Капралсь пейдезевсь: — тон нолдат пря тя эшити, коста ушедыхть кафта ведень шудема турбат. Тяни шовда, мезевок аф няеви, но мон максан мархтот фонарня. Тон суват кели турбати: сон стама оцю, што тон эзонза свободнайста тьялгат. Кармат молема видеста турбать эзга, аф ваномок рдазть, крьсатнень и шинеть лангс, мзярс аф поват тяфтама жа эшис. Ну, а сон лиси ся районти, конац нинге коммунархнень кядьса... Минь разведчиконьке сидеста пользондакшнихть тя кить мархта.

Возможностсь илядомс живста кровястезе Кри-Крить седиенц радостьса. Но киель тя аф содаф спасительсь? Можна ли тейнза верондамс?

Бта сонь сомнениянзон каршес ответонди капралсь мярьгсь:

— Эряскатт, Шарло! Каба афоле-

мазь сата минь тонь мархтот тязк? Валк алу, тят пель. Тихтедемок эши потмаксса, Кри-Крись меки марязе эсь прянц настоящей Кри-Крикс. Сельмонза сонь мезевок ашесть ный шовда эшиса, керы, противнай шинеть эса трудналь тарксемс ваймоц, но инголе — ульсь эряф, свобода, возможность ванфтомс баррикадаты и Жозеф батянц. А эшити вельксса ащесь ломань, конац аноклездомс Кри-Крити пачкодемс коммунархненди. Сон корхтась и цёраняти валонза цють марявсть.

— Валомне, мзярда кармат лисема, тьяк синде сялдазценъ.

— Спасибо, — ивадсь Кри-Крись. — Мон пачкодьян, тят пель. Кри-Кри Бантарсь косонга аф имай!

VI

Пачкодемс Рампонно ульцяв аф пьяк тьождяль. Хоть пингта ашезь йота полной суткавок, мзярда Кри-Крись тусь тя районцта, но переменат Парижть предместьяса тиевсть пьяк оцюфт. Ульцятнень, конатнень эзга Кри-Крись нинге исяк якась свободнайста, тьяни занязь ни версалецне. Сашендовсь ичкозьге шарондомс. Ульсь ни кемгафтува част ве, мзярда, наконец, Кри-Крись пачкодсь Рампонно ульцяв. Пулятне вешксть перьф пьялге, ульцятне и переулкатне ульсть шавот.

Аньцек кой-мзярда ётнесь патрульсь, конац кизефнезень ётайхнень.

— Пароль? — Кизефтезе патрульнайсь, мзярда Кри-Крись эряскадозь ласьксь ортатненди, конатнень эзга можналь нежедемс баррикадаты.

— Коммуна или смерть! — трна-ты вайгяльса и эводемe шовор Кри-Крись азозе паролить. Баррикаднай тюремать историяса пади

тя ульсь васенце случайсь, мзярда паролень азондысь йорась эльбядемс, йорась, штоба азф парольсь улель аф виде. Ах, кда ба тя улель тяфта,—эста ба маряф корхтамась улель-ба аныцек недоразумениякс, и значит, Люсьенць аф предатель!... Но... Кри-Крись марясь ответ:

— Иотак, цёрай!

Тяни ни аш кодамовок сомнения. Капоральсь—изменник, и тя предательть кядьса тяни Жозеф батянь эряфоц! Куроконя Жозефти! Кри-Крись ласьксь, комотнемок препятствиятнень вельф, аф шарфнемок кодамовок мяль пулятнень вешкомаснон и гранататнень грохиемаснон лангс. Сон ванонды аныцек ранендафнень и шавфнень шамаснон лангс, конат ащесть ряцок арафтф носилкатнень лангса.

Ся пингть, мзярда Кри-Крись, наконец, малаткшнесь эхянь баррикадять малас и ичкоздекиге няезе Бантарть, марявьс праф снарядонь вайгяль. Кри-Крись минуташка глушендафста, качамть потмоса мезевок ашезь няй, а сяда меле, мзярда качамсь ётась, сон няезе, што Жозефсь ащи копоренц лангса.—фкя кядец сонь шарфтфоль копоренц алу, а омбоцесь ащесь пряньц вельксса и нежетьфоль шувар кяскавити. Шаспоц ащесь ваксонза.

— Жозефсь шавф!—Тя страшнай мыслясь, кода тол пидезе сонь сознанияньц.--Жозеф батяй!—ивадсь сон, ласькомок и пульзямок матфста ащи Бантарти, конань перьф пуромсть кой-мзяра ломань.

Жозефсь панжезень сельмонзон, сон йорась стямс, но ашезь стяв.

— Ну, аф, васькафнят,—салаваня азозе сон,—васенце пулять эзда мон нинге аф кулан.

Няемок Кри-Крить, сон нинге весть ёрась стямс и, шангамок

кяденц лангс, кеподезе пряньц и корхтазевсь:—Шарло, тон сать эсь пингстонза. Монь кядьнень маштсь ни эрьгасна люпштамс и кирдемс шаспоть. Сявк сонь! Сявк и лацкас меляфтка сембонь, мезе няеть и марячь нят вяры шитнень пингста.

Кри-Крись фатязе Жозефть вакста ружьять и, кемоста кирдемок сонь кядьсонза, трнатомок волнениять эзда, корхтазевсь:

— Клянусь, што тя шаспось мзярдовок аф пови Коммунать врагонзон кядьс!

Но Жозефсь мезнявок ашезь отвеча. Сонь меки маштсь ёженза. Аныцек тяни лядьсь Кри-Крить мяльс Люсьенць, изменась, предательствовать предупрежденияньц колга мяльхне. Васенда, няемок верса шуди Жозефть, цёранясь юкстазе Люсьенць, но Жозефсь ульсь шиса и максозе тейнза эсь ружьяньц,—и Кри-Крись тага марязе эсь пряньц тюремати анококкс. Сон варжактсь и няезе Люсьен Капоральть, конац ванць Кри-Крить мельге олаф, страха пяхкотьф сельме ванфса, и сяка жа пингть орадсь прястонза акша бинть, конац должен ульсь корхтамс сянь колга, што сонь бта ранендаф пряц.

Васенда, Кри-Крить эвондаманц эзда эвотьфста, Люсьенць фатясь ружья и ульсь ни анок комотемс, штоба араламс пря или мянемс. Но, сяс мес Кри-Крись ашезе лятфта сонь лемонц, сонь эстакиге арьсеманза полафтсь и надиясь, што цёранясь мезнявок аф содай сонь предательстванц колга. Но сельмотне, конат пиндолдсть ненавистьса, Кри-Крить сельмонза, конат шарфтфт тяни сонь лангозонза, ашесть няй кодамовок сомнения: Кри-Крись содазе сембонь. Разоблаченной Капоральти ашель мезе кочксемс: ворьгодемс курокона эсь



ялганзонды, мзярс нинге цёранять ашезь йота баррикадаса тийф разгромть сюнеда таяскадомац. Капоральсь молебачк щафтозе шты-конц пряс акша лоскоткять и эста-киге—аф решительнайста, а ся-мольде—вишкста, судорожной ко-мотемаса, тихтедсь боцькять лангс, конац ащесь баррикаднай стенать эхянь вакссонза. Яфчамок эсь тиф акша флагонц мархта, сон ивадсь:—Сувада! Тяса кивок аш!—и йордазе фкя пильгонц баррикадаты вельф. Но поздна!

— Тон васькафнят, изменник! Тяса улихть нинге Коммунать ара-лайнза!—ивадсь Кри-Крись.

Марявсь выстрел, и Капоральсь кулоста прась баррикадаты омбокс тоза, „эсь ялганзонды“, коза сон йорась повомс живойста.

А Кри-Крись сембе ванць ся точкити, тоза, коза повсь сонь пу-ляц; тоса либордсь штыкты пряс акша флагсь: Капоральть праф ру-жьяц повсь стенать мархта боць-кять йоткс.

Кри-Крись васень пяррьф верть эзда нинге фалу трнатсь.

— Пара, пара, цёраняй, цебярь-ста ушедоть. Работак тяфтак, Шар-ло! Тейне аф ужаль.. Монь шас-позе повсь вернай кядьс...

Тя корхтась Жозефсь.

Сон кулезе Капоральть ивадеманц, Кри-Крить ляцеманц и сембонь шарь-хкодезе. Тяни, кочкамок илядыкс вийнянц, сон аф ламняда кеподезе ронгонц и кельгозь надёжнайста ванць цёранять лангс, сельмонза сонь корхтасть:—да тонь инксот, тинь инксононт, сай пингонь итть, минь тюреме, и минь наследияньке иляды надёжной кядьс, конат кан-дыхть, наконец, освобождения че-ловечествати.

Кри-Крись пульзьясь Жозефть ин-голи, эряскадсь сембонь азондомс тейнза.

Люсьенць предатель! Сон азозе парольть версалецненди!...

Жозеф сярьгадезень малазонза живста иляф сембе боецнень и мярьгсь:

— Мон сембодонга виноватан сянкса, што пяк ни верондань, предательсь маштсь шаштомс монь малазон.. Пандомс савсь пяк питниста... Революционнай Парижть последний баррикадац прась... Парижский Коммунась разгромленнай... Но шумбра улеза революциясь!...

Шумбра улеза революциясь! Шумбра улеза Коммунась! —марявьсь перьф пяльге.

Жозефть курок машнесть вийнза. Путомок последний вийнц, Жозефсь аф ламняда кеподсь, нежедемок фкя кяденц лангс, и таргазе эсь алдонза знамять.

— Ванфтка сонь, Шарло,—пшкядсь Кри-Крити.—Тон келепть-сак сонь, мзярда трудящайхне тага кеподихть эсь угнетательснон каршес.. Мадлен... Тейть—мон... Ня валонзон лангс лоткась Жозефсь корхтамда.

Сембе шарфтьсть од авати, конанц лемдезе Жозеф Бантарсь. Сонь паргана, акшаза шяярэнзон лангса ащесь военной кепка. Валда шяярень рамканц потмоста няевсь шувания, голубой оцю сельме мархта

шаманяц. Тя ульсь школьной учительницась Мадлен Роксь, Жозефть деятельнай помошницац.

— Ялгат!—кайгозевсь Мадленть вайгялец.—Мезе аф няема, пока нинге аф поздна, мума опасность-фтома васта, штоба кяшемс Жозефть. Минь долгоньке революциять инголе ванфтомс сонь эряфонц.

Но коста мумс аф опаснай васта,—азозе фкясь коммунархнень эзда,—версальский жандарматне чарпайхть сембе вастова. Синь жестокайста шавондсазь раненайхнень.

— Жозефть можна кяшемс монь каморказон, подвалу, коса мон эрян,—шоворсь корхтамазост Кри-Крись,—Тоза мондедон башка кивок аф сувси. Жозефть можна сувафтомс вальмава, конац ваны шава вастс.

Мадленць эрязста сязезе знамять шуфтоняць эзда и ашкодозе Кри-Крить перьф. Знамять ланга цера-нясь щаце эсь куртканц.

— Тяни Пьер, Жак и тон, Кри-Кри, кандость Жозефть!—Макссь распоряжения Мадленць;

(Пец сай номерса)

ЖЕЛЕЗНЯК ПАРТИЗАНЦЬ

Русский мор.

Херсонть ала степьса
Тишетне серихть,
Херсонть ала степьса—курган.
Бурьянца сон вельхтяф,
И алонза ащи
Матрос, Железняк партизанць.

Мольсь сон Одессав,
Сон лиссь ни Херсonti,—
Засадав повсь тьса отрядсь.
Фкя шире—застава,
Тя шире—махновецт,
И лядсь аныцек кемонь гранатт.

„Цёрат, — вдруг мярьгсь,
Отрядонц лангс ванозь,
Матрос-партизанць Железняксь,—
Херсонць ёфси тязк ни,
Етатам штыкса,
И кемонь гранатсь—аф пустяк“.

И цёратне азозь:
„Минь ётатам штыкса,
И кемонь гранатсь—аф пустяк“.
Штыкса, гранатса
Цёратне ётасть
Степи илядсь Железняксь.

Морот веселайхть
Украинась морай,
Павазуфт сиресь и одсь.
Шиньшарыхне серихть,
И степть вельксса, вяре
Вишкста кружай самолетсь.

Херсонть ала степьса
Тишетне серихть,
Херсонть ала степьса—курган.
Бурьянца сон вельхтяф,
И алонза ащи
Матрос, Железняк партизанць.

Мокшекс ётафтозе В. Каргин.



